



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1675. usque ad annum 1681

Fleury, Claude

August. Vind. [u.a.], 1780

VD18 90119207

§. 41. Friderici Sfortiæ Cardinalis obitus.

[urn:nbn:de:hbz:466:1-67305](https://nbn-resolving.org/urn:nbn:de:hbz:466:1-67305)

Sæc. XVII. urbe, quam extra urbem ære suo re-
 A.C. 1676. paravit, atque in pauperum usum Ho-
 spitium S. Gallæ erexit, & clanculum
 ingentem auri vim ad Xenodochium
 SS. Trinitatis transmisit, ut separatus
 lectulus pro singulis peregrinantibus
 inde confici posset: Denique inter tot
 alia munificentiae suæ monumenta, quo-
 rum potissimam partem ejus humilitas
 nostræ cognitioni subduxit, recenseri
 merentur validæ quinquaginta aureo-
 rum millium suppetiæ, quas Polonis
 Turcico bello ad incitas ferme redactis
 submiserat. Talis demum tantusque
 Cardinalis non minore in terris præ-
 mio, quam supremo Ecclesiæ fastigio
 decorari potuit.

§. XLI.

Friderici Sfortiæ Cardinalis obitus.

Mem. du
Card.
Bentiv.
Ciacon. in
vitalinoc. X.

Inter Cardinales hoc anno defunctos
 primo occurrit Fridericus Sfortia,
 nobilis Romanus, qui humanioribus,
 necnon Theologicis literis apprime im-
 butus, ab Innocentio X. Papa Referen-
 darius utriusque, ut vocant, *Signa-
 turæ*, necnon Protonotarius Apostoli-
 cus renuntiabatur: quo munere lau-
 dabiliter expleto ab eodem Pontifice
 ad regendam Avenionensem Provin-
 ciam assumptus, tandem Cardinalium
 Col.

Collegio adscriptus est. Postea pluribus Patrum Purpuratorum cætibus annumeratus, Ariminensem Ecclesiam Episcopus aliquamdiu rexit, qua demum annuente Pontifice dimissa, Hispaniæ Regis Oratorem, & Siculiæ Monarchiæ Protectorem Romæ egit, cujus Urbis pauperes eleemosynis quotidie liberaliter erogatis magno numero alebat: Decessit tandem ibidem annos natus septuaginta tres.

Sæc. XVII.
A. C. 1676.

§. XLII.

Caroli Bonelli Cardinalis decessus.

Mortis vestigia post Sfortiam proxime pressit Carolus Bonellus Pii V. Pro - Nepos patria Romanus, qui emenso humaniorum literarum curriculum in Academia Perusina utriusque Juris scientiæ vacabat, Doctorum Laurea decoratus. Inde Romam profectus, ab Urbano VIII. Cubicularius, & Signaturæ Referendarius, ac diversarum Provinciarum Rector nominabatur; postea Corinthiacus Archipræsul in Hispaniam ad Philippum IV. Regem pacis Interpres ac Sedis Apostolicæ Nuntius ablegatus, ab Alexandro VII. Papa, absens licet, applaudente tamen Rege, Romanam Purpuram obtinuit, ac Romam reversus, in variis Congregationibus

Eggs Purp.
doct. suppl.
pag. 596.
Palat. fast.
Card.